

Tzinitzcan in çaquan yetlauhquechol yeantictlatlapalpohua yemocue ypal-nemohuani tiquimoquetzaltiya yn mocnihuani yn quauhtin no celo yetiqui mella-quahua ohuaya ohuaya.

Aquie nopilli aconacitih ynoncan piltihua mahuitzihua yehuaya yn mani-huani ynquauhtin ocelo yetiquimellaquahua ohuaya &.

Y yaquiyan cohui y yo huixahue huiya quen noconchihuaz in macuelnonmi-qui yehua maniquetzaltototl manipatlantihui ilhuicatl ytiqui yca nichocayan ohuaya ohuaya.

Cuelachic monahuac yehuaya ypalnemohuani yn yenelli tonteycuiloa oncan tonteicnomati yn motloc monahuacan ohuaya ohuaya.

YAO XOCHI CUICATL.



Çaquan quetzaltototl çantiquimonnechicohuan aintepilhuan huiya ynixochi-poyon aynnyehuaya niquin maca niquimoncozcatiaon in nepapan xochitl ynic-niuhyoticanya titoyximati huehuetitlana &.

Çantictla nehuico toxochihuehueh çantictla nehuico toxochiayacachin yhuan inyetocue toxochihuaya çanachica onahahuiltiLOYA ohuaya &.

Ynquetzaliz quixochitl aya oitzmolnico mimilihui, cueponih, intepilhuan in quauhtli ocelotl yxquich oncuetlahuiya quexquich onquiçaquih huiya quexquich onmomanahuih intlalticpaca ohuaya.

Oa mochipa yetehuan ticahuiltizque ynipalnemoamey namoxochiuh y huan in cuicatl mayetonahuiyacan çan ti totlanehuiya ynixochihui cantitotlanehuiya coçahuic xochitla ohuaya ohuaya.

Yaoxochitl yn mamalinticac yxtlahuatl ytiqui teuhcicaye huaya ylacatziuh-ticaqui qui huimolohua tlachinol xochitl conyanequi on çan quitemohua antepil-huan huiya y ya y ya on machoc ça na huilli çamicohua ye hua ohuaya.

Açanconelehuiya ohuaye acacontemohua yio in hueliqui yio totonquiyan yia y yaon machoc çanahuilli çan micohuayehua &.

Que nomachiquimana quenomachiquicaltiya ynixochiuh ypalnemohuani yec-tliya malinticaqui çanyeitzmolinticac on cuepenticaca ohuaya ohuaya.

Ypantzetziuhcicaqui ye huaya pixauhticaqui ynitzquiye huitlitla cochqui-yehuitl yenelli yeon çantlemimiyahuatl pixauhticacon ayac huel yeihuic yeon motlapalo huay yo ay yaan ohuaya &.

XOCHI CUICATL.

Xompehua xoncuica canticuicanitl huiya mantemacoxochitl mayca onahuielo mayaon netlamachtilyan intlalticpaca ohuaya ohuaya.

Can monecuiltonol ticuicanitl huiya caninticyamaceuh xochitlaya caninticya-yttac in cuicatl tietemacayenican xochimecatl in Mocamaça quizticac tontea-huiltiayn mayaica on netlatlamachtilya intlalticpaca ohuaya &.

Nihualchocay nihualic notlamati çan nicuicanitl huiya tlaca anic huicaz yn toxochiuh ohuaye Maicninapantiaz conoximohuay ahuaye nihuallaocoya ohuaya ohuaya.

Inçan noiuhqui xochitlaya ypan momati in tlalticpac quican cuelachic tocon totlanehuiico ayn xopan xochitl xonahahuacan ohuaye ni huallayo coya ohuaya ohuaya.

Quetzalpapalocalco ompa yenihuitz ayaon yemitoma yencueic a huay ya on huiya nepapan xochitl yn nepapan tlacuilolli, y yenoyol nicuicanitl ayaon yenic-toma yencueic ohuaya ohuaya.

YAO CUICATL YCUIC IN MOTEUCÇOMATZIN.

Ilhuicatl ytiqui tiyocolloc timoteuçcomatzin Mexico tontlato huay intenochti-tlani ahuaya ahuaya ohuaya.

Nican in nepapan quauhtli ypolihuiyan momaquizcali tonaticac yoncan ychan tota tiox a ohuaya ohuaya.

Inan nemico yoncan yeiuhcano Ayxtlahuatl ytiqui cuelachic onmomalinaco in quauhyotl ayn teepillotl huiya ixtlilcuechahuac ymac tlacuiyetzi ohuaya ohuaya.

Inihuecan mahuiçohua ontocayohua in teucpillotl huiya oy ohualmoteteca teuhthiya caçahuiaon ohuaya ohuaya.

Xonmetlaquahuacan antocnihuan antontotlapalohua ynoncan ynoncuihua tle-yotl ynmahuiçotl ynoncuihua yn teepillotl çanonmacehualo xochimiquiztlo ohua-ya ohuaya.

Neminamotoca ynamoteyoy ynantepilhnan intinopiltzin aintlacahuepantzin yxtlilcuechahuac yaomiquiztli ycayaqueon ynan conmahceuhque ahuaya, ohuaya ohuaya.

Ilhuicatl huizcalli inyehuacan nepapan niccahuacatototl tlaçoquechol tihua-yan xihçaquan tihuaon ohuaya ohuaya.

Amoc nopillaya intiça atl, ynihuitl an moquimilotoque in xochitlahuan Mo-Flatocaço matzin tlaçoquechol tihuayan xihçaquantihua..... on ohuaya ohuaya.

YAO CUICA CUEXTECAYOTL, YNIN, TOCONTOCO TONTITON TINTINTI.

Aoyohuala yehuacatimani intlachinolteuhlehuaya oncan aya huicalloya ya-xochi cuextecatl tlacahuepano ayeo oaya yea.

Intlapapaltzi huacalaytic oncan yeo noqui xochioctli coniyán tlacahuepan ooa yeoo aya yea.

Xiquin caquican hue yaocuicati huitze ynotontepeticpac tihuintiquea tieuextecayme onchimah ahuiltilo çanca toteuh yehuan yn tlachinolli yamilacatzotihuitz intocoxochiuh tieuextecayme ayo naltzitzitihuitz onchi malahuiltilo çaca-toteuh yehuan tiox a.

Toco toco titi, tocotoco titi, tinco tinco tinti.

Ynquetzallaticayan tlaquicuiliuhquetl aya nohueyo nopiltzin Neçahualpilla ya chimalli xochioctla yeay huitihuaya yeoncan cuexteca netotilo ya ya ynatlixco yya yya.

Çantonyapitzaya in mocoelo acaquiquiz ayantonquauh tzatzitçac yn motemalac ypan aintepilli yaqui ay huehuetzin chimal xochioctlayca yhuintihua ya yeoncan cuexteca netotilo ya ayain atlixcoyan yya yya.

Ayya yye ayao y ya yye ayao a ya ye ayeoa yahue cuix ompa nemohuani quittohua niuintico nicihuatl ayeon ay ya yye.

Maocxon mittotiyán tlapaliuhquetlaya cuixopanemohua niquittohua niuintico nicihuatl ayeo a yya yya.

Tocontocantiquiti tocontocantiquiti tintocotico tiquiti tiquiti tiqui tiqui tiquiti tiquiti quiti quiti.

Inquetzalaxochia ooquitlahua inquihuintinemiya ymaetlacuiyatzin çan canyeoncan ynixtlahuacan y yaoa yaye ayeya.

Icon mapantiya inquietzalaxochitl intlachinolxochitlo ymaetlacuiyatzin oceyaque quenonamican yyaoa yaque ya huay yea.

In hueli noxaxahual nonecpacuiyel aya niteuxoch nicihuatl tihuanmihtotia in tollamaz matlapalihuitihua toxochin nahualhuan tocepanti huitique anopilohuan ana.

Cantiyeoque yenicantihuintique ayaniteuxoch nicihuatl tihuan mihtotiya intollamaz metlapalihuinti toxochin nahualhuan ticepan tihuintique anopilohua ana.

Inquetzallatl ymanca anayan inpoçontimaniya techonya ha yhuintiya ti Mexicayme chimecaaya noconelnamiqi ya çan nichoca yhue.

Aycaya y yahue oonichocaya nineçahualpallaya caniyán maniya ompayecueponi yaoxochitl ayan noconilnamiqi çan nichocay huen.

Inquetzalla xomotzin tonpapatlantia tinoxochi huenyotzin in tlacahuenpanzin ayaçanquitocac yntaquenenamican Anan.

Avtic yenoncuica aontlatohua ayaye in quetzalaxochioctli quitlahuanaya onchachalacaya yquecholpohuan ynteuçpipilti yncuextecayme Etlan.

Cilliquipan chaylitzin aytzin mahuiyan ixtlileuechahuac yeayeon mahuizçohua quinamoya yquetzalon in patzacon iuhquinoya iuhquinoyan cuextecatlahuanque. Atliyaixic ytic ytlachinol acueyotl inpan yepoçon.

Pilliya ixtlil Otoncohotzin aycayeonmahuiçohua quinamoya iquetzal linpatzacon iuhquinoyan cuexteca tlahuanque.

Tititititi ticon tocon ticoton.

Echalchiuhtica yeuiliuhtoc Atlin tepetl huitziltepetitlan ticozçaçoyan quetzali chaala tiyamancaya yniçelteotl tiox ynoteouh Aya Jesuquillisto.

Aya ohua. Aycpolihuiz moteyoyehuan taxayacatzin yetlahuechol çaquametl yeneçoçohualo xochintlapalan ayntepilhuan Anopilohuanaya ohuaya.

Intzi miquiz tequiti ohuanopilohua huitzilihuitl mahuilmalinal can concauh-tehuaque huitzil xochiatl poçontimania Mexico nican may cay huitihuaya.

In machoqui hualmati canoychan teuctlapaliuhquetl Ahuitzotl y chalchiuh cozean quetzalinpatlahuaca çacaquimacaye hua ycelteotl &.

Occe yaotlatol cuicatl.

Inompehua yenicanon in nicuicanitl huiyan noyollo ytech yn cueponi xochitl in yetlon cuicatl yeayan nocon ehcapehuia ypalnemoa ohuaya &.

Inyenonni totiya nicanon in nicuicanitl huiyan noyollo ytech in cueponi xochitl inyeetlin cuicatl yeayan nocon ehcapehuiyan ypalnemoa &.

Onquauh ceceliya ohuaye ocelo itzmolini yn teupillotl intlatocayotl Ain Mexico y Mitican chimaltican yehuan ontlatohuanteuetli ynahuitzotl a &.

Intlaca aya cuhuan moxochiuh o ypalnemohuan teuhlinpo pocayn yxtlahuatl ytic ynon cantiquicozcatio yetiqui mapan cachimalli xochitl ynacolihuacan Neçahualpillo in totoquihuatzin mitica chimaltica ye huaontlatohuan teuctli ynahuitzotla ohuaya ohuaya.

Yanic notlamati yan nichocayehuaya quemachamion yeicnomantihuin chimmallin xochitlin yetlecahuiloyan huixahuencaniquitazqui nequi noyolla ohuaya ohuaya.

Oatleuhqui yaomiquiztli Atleuhqui xochimiquiztli quitlaçotlaco ypalnemohuanihuica huecaniquittaz quinequi noyolla ohuaya ohuaya.

Incan nonicuitzayan yectloncuicatli noconyatemohua hui hue ninotolinia manennoncuica ohuaya ohuaya.

Caniquitaçon in moxochiuh aya ypalnemohuani hui huen ninotoliniya manen noneuica ohuaya &.

YCUIC INACOLHUACAN IN NEÇAHUALCOYOTZIN ICQUITLAPALOCO
IN HUEHUE MOTEUCÇOMATZIN, MEX.^{co} YQUAC MOCOCOHUAYA.

Xinechaytacan aya nihualacica niztac xochin coxcoxaya noquetzallecacehuaz nineçahualcoyotl huiya xochitl tztzeliuhticac aonpayenihuitz acolihuacan chaaohuiya.

Intlaxicaqui naya niqehuaz nocuic nicahuiltico moteucçoma yatatan tilili y papapapapa achalla chala challa yemac çantilli yemacçanquinalle aohuiya xiuh-tlaquetzalli cacan xiuh-tlaquetzalli ca Mexicoyantli llapanaya.

Aiztac huexotl inyeicaca ohuan caye oncan mitztlamacehunique in mololhuan çanyehuitzilihuitl Acamapich yexachocayan Moteucçoma aycatoconpiay yepetl yepalli yehuan tiox eha aohuiya.

Yehuan tiox mitzyaieoittac mitzyaieomatca Moteucçomay aycatoconpia yepetlatl yepalli yehuan tiox ea.

Incailahue yaoooo yexachocayan Moteucçomay yaxcahue ticayitaca ya atloyan tepetl aoncanteyaittac in mocococauh tineçahualcoyotl ea &.

Aoncan tlilapan aoncan amocheoyan toconyachihua in maxoconican yetontla macauh aoncan ticayttaquin in mocococauh tineçahualcoyotle aohuiya.

Quauhtlin pipitzcaticac ocelotl nanatzca maxoconican aoncanton tlatohua itzcohuatl aycatoconpiay yeipetl yepallin yehuan tiox ea ao huiya.

Iztac huexotl ymapanaya çantontlato huayehua acatl yztac ymancan toliniztae chalchihuatl ymanca Mexico nican ea aohuiya.

In santo Patile tipatiuh çan yehuan tiox çan quetzal huexotican chalchihuitica çayetoccon altiyan atloyantepetl ayahuitl cantopan mani manquiçon man-yectla xochitl amomac on maniyen xochimalintoc amohuic ynamotlatolla ohuaya ohuaya.

Moquetzallecacehuaz tiqueheapehuiya yn yetlachian azcatl inyetlachian quetzalli nnyene malinalon tenpilluan noayahuitl cantopan mani manquiçon ma-

yectla xochitl amomac on maniyen xochimalintoc amohuic ynamotlatolla ohuaya ohuaya.

Tahuili xochitlin cuepontiac y amoxtl mancan ohuaye moxiconican huiyan tomatimaniyan ohuaya ohuaya.

Çancaymamox yanca ytlacuulol yticon mania ynatloyantepetl yn tenochtitlani quiçoçohuay yecoyacuecuèpa in yehuan totatzi..... ontlachia yeiuhcan ontlachiya yehua ilhuicatl ytica &.

Xiuh-tlaquetzalli yan mochiubticaquin ye Sana ya ilhuicatlaquetzalli mochiubticaquin yehuan tiox huiyan aconpachotimani aintlali maniqui yecon napaloo anahuatl on Amilhuicatl ahua ohuaya.

Chalchihuh xochitl y amomac on maniyen in quetzal huexoticayan ancachuach pehuitoque ynatlo yantepetl cemana huaquin maocemilhuitl an ohuaya ohuaya.

Ilhuicatl anquicuiloehua Anahuatl in tllan quicuiloehuyan tepilhuan huiya.

Tineçahualcoyotl timoteucçomatzin oamech yocox ypalnemohuani oamech yocox intota tiox ailhuicatl ytican ohuaya.

XOCHI CUICATL CUECUECHTLI.

Hue nache niehcaya nihuehuetzcatihuitz yenixcucuech aya xochitl y yenocueic momamalina çanicayatoma ho ohuaya canicalle.

Ompa yenihuitz xochitl yztac ihcaca ancayemochan yquiquizcalihtic y amoxtonaticac ho ohuaya anicalle.

Maya pehualoya oya moquetzaco ya izquixochitl o ycaya ahualo ya ohiya yean.

Hohuaya aya tztzelihuhixochitlon yea ahualo yaohi yayean.

2.

Nepapan xochitla nietzetzelo hoho noncuicamanaco xochitla yhuintihuaya ho nixcucuech ha.

Ompa nihuitz hue haquicaya noneuicamanaco xochitla yhuintihua &.

To ho hue nepapa xochitla oc ocmoyolquimati tlanimitz huica hiyao.

Mani mitz mama ahuiya toho huiya toho huia mochan nicmamatihuitz ahnelhuayo xochitl nicmamatihuitz ahuiyac xochitl y o ancayemochan y xochitl yheaca nia ho.

Yatatatililili yeo haye hayetic ahuiltico ho ancayehuan tiox ypalnemohuani Santa Malia tonantzin chitalalala xochitl milli toquia ho.

Çan tonallo quetzalli papachihui hoo ihuitl moyahuaya amoxcallo in manca chitalalala xochitl milli toquiao.